



Monterrei, 13 de setembro de 2021

## **BASES QUE REXERÁN O PROCESO DE SELECCION PARA A AMPLIACIÓN DA BOLSA DE EMPREGO DE AXUDA NO FOGAR**

### **PRIMEIRA. Obxecto da convocatoria.**

1.O obxecto destas bases é regular o proceso de selección para a ampliación da bolsa de emprego e prorrogar a súa vixencia ata o 31 de decembro de 2022 nos seguintes termos:

- Convócase por concurso de méritos unha ampliación da bolsa de emprego de auxiliares de axuda no fogar para acceso de novos aspirantes.
- Dende a aprobación da bolsa de emprego, resultando negativo o chamamento dos integrantes da mesma, convocáronse ampliacións e chamamentos por extrema necesidade e urxencia. Dende a data na que se aprobe a ampliación descrita nestas bases, os traballadores que obtiveron contratos ocuparán os postos seguintes ao último aspirante da anterior convocatoria, respectando a orde da lista de chamamento do día 8 de agosto de 2021. Os postos que ocuparán na bolsa serán definidos pola data na que asinaron os contratos.

2. A xustificación desta ampliación que modifica a vixencia da bolsa convocada inicialmente ata o 31 de decembro de 2021 baséase nas necesidades de persoal orixinadas pola pandemia, e tendo en conta a consideración de servizo público esencial da axuda no fogar cabe formular excepcións na vixencia da bolsa de emprego.

3. Funcións: as que regula a orde do 22 de xaneiro do 2009 relativas ao servizo de axuda no fogar:

- a)** Atencións de carácter persoal na realización das actividades básicas da vida diaria, tales como:
- Asistencia para levantarse e deitarse
  - Tarefas de coidado e hixiene persoal, así como para vestirse.
  - Control do réxime alimentario e axuda, se é o caso, para alimentarse.
  - Supervisión, cando proceda, das rutinas de administración de medicamentos prescritas por facultativos.
  - Apoio para cambios posturais, mobilizacións, orientación espacio-temporal.
  - Apoio a persoas afectadas por problemas de incontinencia.
  - Outras tarefas para favorecer a atención integral da persoa usuaria.
- b)** Acompañamento persoal na realización doutras actividades complementarias:
- Seguimento das intervencións realizadas polo sistema sanitario.
  - Apoio en trámites urxentes de carácter administrativo, xudicial e similares.
- c)** Atención das necesidades de carácter doméstico e da vivenda, tales como:
- Limpeza e mantemento da hixiene e salubridade da vivenda.





# CONCELLO DE MONTERREI

Rua Fontiñas, 2 -- 32618 ALBARELLOS - MONTERREI - OURENSE  
Telf. 988 418002 - Fax 988 425700 - e-mail: concello@monterrei.es

Compra de alimentos e outros produtos de uso común.  
Preparación dos alimentos.  
Lavado e coidado das pezas de vestir, así como do enxoval doméstico.  
Apoio á unidade familiar.  
Coidados e mantemento básico da vivenda.

## SEGUNDA. Condicións e requisitos dos aspirantes.

Os aspirantes que tomarán parte no concurso de méritos deberán reunir, na data en que remate o prazo concedido para a presentación de solicitudes, os seguintes requisitos:

a) Ser español ou cidadán dalgún estado membro da Unión Europea nos termos establecidos no artigo 57 da Lei 7/2007, do 12 de abril, do estatuto básico do empregado público, así como estranxeiros con residencia legal en España.

b) Ter cumpridos os 16 anos de idade e non exceder da idade máxima de xubilación forzosa.

c) Non padecer enfermidade ou defecto físico ou psíquico que impida a o correcto desempeño das correspondentes funcións.

d) Non ter sido separado mediante expediente disciplinario do servizo do Estado, comunidades autónomas ou entidades locais, nin atoparse inhabilitado para o exercicio de funcións públicas.

e) Non estar incurso en causa vixente de incapacidade ou incompatibilidade.

f) Estar en posesión do carné de conducir B e dispoñibilidade de medio de transporte.

g) E ademais estar en posesión, como mínimo, dalgún dos seguintes títulos ou certificados:

-Certificado de Profesionalidade de Atención Sociosanitaria a persoas no domicilio regulado no Real Decreto 1379/2008, de 1 de agosto.

- Certificado de Profesionalidade de Atención Sociosanitaria a Persoas Dependentes en Institucións Sociais, regulado polo Real Decreto 1379/2008, de 1 de agosto.

- Certificado de Formación Teórica e Experiencia Profesional na atención sociosanitaria a persoas a domicilio, regulado no Decreto 99/2012, de 16 de marzo.

- Título de Técnico en Coidados Auxiliares de Enfermería establecido polo Real Decreto 546/1995, de 7 de abril, ou os títulos equivalentes que establece o Real Decreto 777/1998, do 30 de abril.

- Título de Técnico en Atención a Persoas en Situación de Dependencia, regulado polo Real Decreto 1593/2011, de 4 de novembro.

- Calquera outro título ou certificado que se publique cos mesmos efectos profesionais que aos referidos anteriormente, sempre que cumpran cos requisitos establecidos e sexan válidos aos sinalados no decreto 99/2012 do 16 de Marzo.

h) Coñecemento da lingua galega: de acordo ao establecido no artigo 51 da Lei 2/2015 do Emprego Público de Galicia, para darlle cumprimento á normalización do idioma galego nas Administración Pública de Galicia e para garantir o uso do galego nas relacións coas





# CONCELLO DE MONTERREI

Rua Fontiñas, 2 -- 32618 ALBARELLOS - MONTERREI - OURENSE  
Telf. 988 418002 - Fax 988 425700 - e-mail: concello@monterrei.es

Administracións Públicas no ámbito da Comunidade Autónoma, así coma a promoción do uso normal do galego por parte dos poderes públicos de Galicia, nas probas selectivas que se realicen para o acceso ás prazas da Administración da Comunidade Autónoma de Galicia e das entidades locais de Galicia incluírase un exame de galego, salvo para aqueles que acrediten o coñecemento da lingua galega conforme a normativa vixente.

Polo tanto, quen non acredite o coñecemento do galego mediante a aportación do CELGA 2, título superior ou equivalente, deberá superar unha proba oral sobre o coñecemento do idioma galego.

Todos estes requisitos deberán reunirse con referencia ao último día da presentación de instancias.

## TERCEIRA. Baremo dos méritos

Os méritos que se valorarán, segundo a puntuación e acreditación que se especifica, son os seguintes:

### FASE CONCURSO:

**1. Experiencia profesional:** a puntuación máxima que se poderá obter neste apartado é de 4 puntos.

- Por servizos remunerados prestados na administración pública:  
Relacionados directamente coas tarefas de axuda no fogar: 0,25 puntos/mes.

- Por servizos prestados en empresas privadas: (máximo 1,50 puntos):  
Relacionados directamente coas tarefas de axuda no fogar: 0,10 puntos/mes.

A experiencia profesional acreditarase mediante a presentación de certificado de vida laboral actualizada e copia dos contratos de traballo. A experiencia que non se considere debidamente acreditada non se puntuará.

**2. Formación regrada:** a puntuación máxima que se poderá obter neste apartado é de 2 puntos:

Por estar en posesión dalgunha das seguintes titulacións ou certificado de profesionalidade relacionadas co posto:

- Titulación universitaria: 2 puntos
- Titulación de FPII ou ciclo superior: 1,50 puntos.
- Titulación de FPI ou ciclo medio: 1,25 punto.
- Certificado de profesionalidade de atención sociosanitaria a persoas no domicilio ou institucións sociais: 1 punto.

No suposto de estar en posesión de máis dunha das titulacións referidas, soamente se valorará a de maior nivel.

**3. Formación para o emprego:** a puntuación máxima que se poderá obter neste apartado é de 2 puntos.





# CONCELLO DE MONTERREI

Rua Fontiñas, 2 -- 32618 ALBARELLOS - MONTERREI - OURENSE  
Telf. 988 418002 - Fax 988 425700 - e-mail: concello@monterrei.es

Por cada curso directamente relacionado coas funcións propias do emprego a que se opta avalados por un organismo público, ata un máximo de 2 puntos:

- Cursos de ata 20 horas: 0,10 puntos/curso
- Cursos de 21 a 40 horas: 0,15 puntos/curso
- Cursos de 41 a 100 horas: 0,20 puntos/curso
- Cursos de 101 a 250 horas: 0,25 puntos/curso
- Cursos de 251 horas a 500 horas: 0,35 puntos/curso
- Cursos de máis de 500 horas: 0,50 puntos curso

## CUARTA. Forma e prazo da presentación de solicitudes.

1. As solicitudes para participar neste concurso presentaranse, consonte co modelo que figura como anexo I das bases, dende a publicación destas bases ata as 14:00 do 17 de setembro de 2021 no Rexistro xeral do Concello, ou na forma que determina o artigo 38.4 da Lei 30/1992, do 26 de novembro, sendo necesario neste caso comunicar a remisión da documentación vía fax ao Concello. O dito fax deberá ter entrada no prazo de presentación das solicitudes, pois noutro caso non serán admitidas (fax do concello: 988425700).

2. O referido prazo computarase a partir da publicación do anuncio da convocatoria na páxina web do Concello de Monterrei achegándose a seguinte documentación:

- a. Copia compulsada do DNI ou documento que proceda no caso de aspirantes estranxeiros.
- b. Acreditación documental xustificativa dos méritos esixidos. (samente se terán en conta os méritos alegados con data límite o último día da presentación de instancias).
- c. Declaración xurada de cumprir cos requisitos necesarios para contratar coa Administración pública, así como de non estar incurso en ningunha causa de incapacidade ou incompatibilidade previstas na lexislación vixente (**Anexo II**).

## QUINTA. Tribunal cualificador

1. O tribunal, que terá como función a valoración dos méritos alegados polos aspirantes e as probas establecidas nas bases, estará integrado polos seguintes membros:

- Presidente.
- Vogal.
- Secretario-vogal.

A comisión está facultada para interpretar e resolver as cuestións que poidan suscitarse na aplicación das normas de procedemento, inspirándose a súa actuación no principio de economía, celeridade e eficacia.

O tribunal valorará a documentación presentada na fase de concurso e as probas realizadas na fase oposición, de acordo ás bases da convocatoria.





# CONCELLO DE MONTERREI

Rua Fontiñas, 2 -- 32618 ALBARELLOS - MONTERREI - OURENSE  
Telf. 988 418002 - Fax 988 425700 - e-mail: concello@monterrei.es

O tribunal poderá dispor a incorporación de asesores especialistas, quen se limitarán ao exercicio das súas especialidades técnicas, que serán a única base da súa colaboración co órgano de decisión e que actuarán con voz pero sen voto.

No suposto de que forme parte do tribunal algunha persoa allea ao Concello, terá dereito a percibir indemnización por a asistencia correspondente segundo o Real Decreto 462/2002 do 24 de maio.

## **SEXTA. Resolución da convocatoria e contratacións.**

1. Unha vez concluída a presentación de candidaturas, o tribunal publicará no taboleiro de edictos e na páxina web do Concello de Monterrei [www.monterrei.es](http://www.monterrei.es) os nomes dos candidatos, pola orde de puntuación acadada e con indicación da cualificación obtida, definindo a posición na bolsa dos novos aspirantes e dos traballadores que obtiveron praza na bolsa de emprego nos chamamentos do ano 2021.

2. Contra a relación de aspirantes poderanse presentar reclamacións no prazo dos dous días seguintes a súa publicación no taboleiro de edictos e na páxina Web do Concello. Se houberá reclamacións resolveraas o Alcalde no prazo de dous días nos termos que procedan.

3.- A orde de clasificación definitiva de todos os aspirantes virá determinado pola suma das puntuacións totais obtidas no proceso selectivo, respectando a situación da bolsa de mprego do chamamento do día 8 de agosto de 2021.

4.- De acordo coa relación, elevarase ao alcalde, ademais da acta da sesión, a proposta de contratación.

## **SÉTIMA. Funcionamento, duración e vixencia da bolsa de emprego.**

1. Para efectuar esta proposta da bolsa de emprego a Comisión avaliadora poderá pedir informes e asesoramentos técnicos que teña por convenientes.

2. A contratación de persoal de axuda no fogar farase de conformidade coa orde de puntuación obtida.

3. O integrante da bolsa que obteña ou desenvolva un contrato de traballo no Concello de Monterrei ollará suspendido o seu dereito ao chamamento para prestar servizos nos postos de traballo que poida convocar a entidade local por medio da bolsa, simultaneamente e mentres preste servizos para o Concello de Monterrei. Unha vez que finalice o seu contrato de traballo o integrante da bolsa recuperará o seu dereito a ser chamado/a para prestar servizos nos postos de traballo que se convoquen por medio da bolsa de emprego, no número de posto que lle corresponda en relación cos puntos obtidos no proceso selectivo.

4. A renuncia a un posto de traballo ofertado ou desistencia dun posto de traballo que se estea a exercer no Concello aparelarán unha penalización ao integrante da bolsa que renuncie ou desista; consistente na perda do número de posto obtido no proceso selectivo para pasar ao último posto da bolsa de emprego, agás que concorran unha das seguintes circunstancias:





# CONCELLO DE MONTERREI

Rua Fontiñas, 2 -- 32618 ALBARELLOS - MONTERREI - OURENSE  
Telf. 988 418002 - Fax 988 425700 - e-mail: concello@monterrei.es

- Parto, baixa por maternidade ou situacións asimiladas.
- Enfermidade que impida a asistencia ao traballo, sempre que se acredite debidamente.
- Exercicio de cargo público representativo que imposibilite a asistencia ao traballo.
- Por estar desempeñando outro traballo.

5. As comunicacións faranse por vía telefónica e por correo electrónico e para a súa localización realizaranse tres chamadas, para o cal os aspirantes deberán indicar polo menos un teléfono e un correo-e de contacto.

No caso de indicar máis dun número, deberá consignarse unha orde de preferencia.

A partir do momento en que se estableza o contacto, e aceptado o posto, o interesado dispoñerá unicamente de 24 horas para formalizar o seu contrato laboral presentándose no Concello.

No caso de non realizarse a comunicación tras as tres chamadas e o envío do correo-e, procederase ao chamamento do seguinte integrante da lista.

As persoas que renuncien a dous chamamentos consecutivos na mesma bolsa, sen mediar xustificación, quedarán excluídas automaticamente da Bolsa.

Aqueles integrantes da Bolsa que unha vez citados, non se presenten á citación, entenderase que rexeitaron a esta, pasando ao último lugar da lista, salvo que exista xustificación consonte co xa mencionado.

6. A bolsa de emprego estenderá os seus efectos dende a súa aprobación ata o 31 de decembro do ano 2022, sen que caiban prórrogas tácitas nen expresas da mesma debendo comunicar os integrantes da comisión de control de procesos selectivos ampliacións no caso de esgotar a bolsa de aspirantes.

O remate da bolsa, por chegada do seu termo ou, sobrevidamente, por esgotamento das listaxes, aparellará a extinción dos dereitos adquiridos polos integrantes, sen dereito a compensación ou resarcimento algún.

## OITAVA.- Recursos.

Estas bases e demais actos administrativos que se deriven do proceso selectivo poderán ser impugnados polos interesados utilizando os medios previstos na Lei 30/1992, do 26 de novembro, de réxime xurídico das administracións públicas e do procedemento administrativo común e na Lei 7/1985, do 2 de abril, reguladora das bases do réxime local.

## NOVENA.- Normas supletorias de aplicación

En todo o non previsto nestas Bases será de aplicación supletoria o establecido nas seguintes normas:

- a) Bases xerais reguladoras da contratación do persoal da mancomunidade de municipios da comarca de Verín e dos concellos de Cualedro, Laza, Monterrei, Oímbra e Vilardevós. (consultábeis na seguinte web: <http://www.mancoverin.es/category/novas/page/5/>)
- b) Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público
- c) Lei 2/2015, do 29 de abril, do emprego público de Galicia.





# CONCELLO DE MONTERREI

Rua Fontiñas, 2 -- 32618 ALBARELLOS - MONTERREI - OURENSE  
Telf. 988 418002 - Fax 988 425700 - e-mail: concello@monterrei.es

d) Lei 39/2015, de 1 de outubro, do Procedemento Administrativo Común das Administracións Públicas.

e) Lei 5/1997, de 22 de xullo, reguladora da Administración Local de Galicia.

O alcalde

\* Documento asinado dixitalmente o marxe.



Cod. Validación: CNJGRFMZRX4L4CH2EDPLG22A | Corrección: <https://monterrei.sedelectronica.es/>  
Documento asinado electronicamente desde a plataforma xestiona esPublico | Páxina 7 a 7